

07/07/2002

Apakan daya aku Melayu

Gunakan monorail dan LRT

Saya dapati LRT baik, belum guna monorail lagi. Marilah beramai-ramai mengelak memburukkan lagi trafik di kota raya. Tiada hina menggunakan pengangkutan awam. Di London dan New York ramai orang kaya dan selebriti menggunakan underground atau tube (kereta api bawah tanah). Ukuran orang awam terhadap kita bukan apa jenis kereta kita pandu dan yang dipandu driver kita. Kehormatan yang diberi adalah pada minda orang itu dan kalau pun tiada minda bernas pada pangkatnya. Dr Mahathir naik Proton bukan Mercedes 600 atau Rolls Royce. Ada politikus berperangai dan berlagak lebih dari sultan, maklumlah kaya raya. Sebelum merdeka dulu pegawai rendah saja, di bawah ketiak Mat Saleh. Kini bongkak dan begitu ostentatious: suka menunjuk-nunjuk.